

امور تحریر یہ ایچون فواد بکہ
وامور ادارہ ایچون آرتین افندی بہ
مراجعت اولنور۔

— ❦ —

مسلمکمزہ موافق آثار قبول اولنور۔
درج اولنمیان اوراق اعادہ اولنماز۔

مَعَالِمُ الْمَلَائِكَةِ

ادارہ خانہ سی باب عالی جادہ سندنہ
۵۲ نومرو لی « شرکت مرتبہ »
مطبعہ سیدر۔

— ❦ —

استانبول ایچون سنہ لکی مطبعہ دن
آلنق شرطیلہ ۴۰ طشرہ لره پوستہ
اجرتیلہ برابر ۶۰ غروشدر۔

نسخہ سی ۱ غروش

پنجشنبہ کونلمری نشر اولنور ادبی، فنی و صناعی غزتہ در ❦

نسخہ سی ۱ غروش

مزد حکماء ملائک ایدر، البت قبرک
نوردن مرقدیکه رکز اولنان سبز علم
بولدی کوهر اسرارینی تودیعه، محل
ینه مکتوم دونوب کیتدی او کتیز میهم
هله حوران معانی، اوشوشوردی باشنه
الئی اوپک ایچون، دستنه آلدقده قلم
مشرعجه، الم فرقتکی شرح ایدهم
چونکه ذهنم طاغلق، خامده بدن سرسم!

{ بحضور ایتدی بنی فاجعه رب منون }
{ دوکیمی دها کوز یاشمی محزون محزون }

حمد لله، کمال کرم سلطانی
قیلیدی هر وجهله مسعود، بوعالی شانی
حی ایکن کندوسنه ایتدیکی اشفاقاتی
قیلیدی حقنده، وفاتده دخی ارزانی

احتفالات عظیمه یله او زیبا کهرک
ایلیدی محفظه سین مقبره خاقانی
صلوا و ادبا، جمله سی تابوت بدوش
خانقه شیخلری، صومعه درویشانی
مردوزن، پیرو جوان، بای و کدا، خورد و کبار
مهربان دوستلری، اهل وفا یارانی

محترم نعمتی تشییعه کلوب جم غفیر
ذکر و تهلیل ایله، صارصلدی فلک ایوانی
دسته کل کبی، تابوتی کیدوب الدن اله
اولدی مودوع ید مغفرت سبحانی
امرای سلفک، کوردیکی یوق شمعی یهدک
صوک نفسده، بو کبارانه شکوه و شانی
ساحه قبری اوله کلشن فردوس برین
کوشه لحدی دخی منظره رحمانی

روحنه مونس اوله روح عزیز شهدا
ذاتنه همدم اوله مرحمت ربانی
صدف خاکده یاتدقچه یو در شاداب
کامران ایلیه حق، پادشه دورانی

که انک ذات هایونیدر اهل فضله
بهترین واسطه عاطفت یزدانی
لطیف احیا دکل، امواته دخی شاهلدر
اوله جان شعرا، بویله شهک قربانی
نظر اقدسیندر حامی ارباب کمال
اهل فضل وهنرک، بویله کرک سلطانی
(فیضیا) روحه کدر بخش اولور اطناب کلام
حد ذاتنده کلام، اولسه دخی روحانی
مرثیه لازم ایسه خیر دعا الزمدر
سویله یارب، بو مرحوم ملائک شانی

{ قیل سرارده ایوان تقریده مقیم }
{ ایله سیر انکهنی روضه جنات نعیم }

غدا ی طبیعی

(ماقدونالد) نام برذاتک پاریسه کیدوب
اوراده اصول تغذیه یکی برمسلك آجدینی
وبش، آلتی یوز کشینک مومی الیهک فکری
تصویب ایدهرک ترویجیه غیرت ایتمهکه
اولدقلری بررساله ده یازیلور.

موسیو (ماق دونالد)، اصول طبیعییه
اتباعاً تغذی فکری اورتیه قویوب شمعییه
قدر اتخاذ ایتش اولدقلری عادت تعیش
حکمنجه یکدیگریته مخالفتده بولنان (اتینلر)
فرقه سیله (اوت ینلر) فرقه سی ینینده بر
طریق ائتلاف آحق ایسته یور. مومی الیه،
انسانک قوانین طبیعییه امتثالاً تغذی
ایتمه سی لازم کلدیکی و جاهل آشجیلره
کوتاه نظر طبییلرک توصیه ایتدکاری طریق
تغذینسک حخته مضر اولدینی جهته قطعاً
ترک ایدلمه سنی تکلیف ایدیور.

(ماق دونالد) دییورکه: «نبات اکلی
الزام ایدنلرده حقایدر. اکمک ینملی، و ممکن
مرتبه چوقده ینملی. بدن انسانی به عارض
اولان مضر تله هپ انسانلرک مأ کولاتی طبع

ایتدکارندن ایلری کلیور. اکمکجیلره آشجیلری
صاومالی. مأ کولاتی حال طبیعی سنده یملی.»
(ماق دونالد) ایله طرفدارلری پیشیرلمش
اکمک یمدکاری کبی، چای، قهوه و دیگر بو
نوعدن صیجاق مشروباتده ایچمه یورلر ایتش!
یالکیز تازه وقورو میوهر ایله یولاف
یرلر ایتش؛ یولاف اوتی آووجلرینه
طولدیروب آغزلیرینه آتارلر و آتی خیر
هیئته افراغ ایدنجیه قدر چیکنرلر ایتش!
کویا بونوع مأ کولات هم اکتساب قوته
کافی، هم دمک لذیذ (طاسزدینسه دهامناسب
دوشر ایدی!) بولیورلر ایتش.

مومی الیه (ماق دونالد)ک (وده ژمارین)
نام رساله ایله نشر ایتدیردیکی متعدد مقاله لرده،
انسانلرده اک زیاده انقطاع ذریت وضعف
بنیه بادی اولان، قالین اوابلر ایله وجودلری
پک صیجاق طومهلری، مطبوخ یمکار یمهلری
واولرده اسکان واقامت ایتهلری اولدینی
بیان ایدیور.

از انجمله دینیلورکه: «اگر آباواجدادیمز
قوشلرک اعتیاد ایتش اولدقلری اصول
حیاتی اختیار ایدهرک میوه ودانه قناعت،
چبلاق کره رک یالکیز کونشدن اکتساب
حرارت ایتش اولسه ایدیلر، شمعی بزلر خسته لق،
مشقت و سفاک کبی شدانده مبتلا اولمازدق،
احراز ایدم جکمز مرتبه تمدن ده هر حاله
شمعیکنه فائق و شان انسانیتزه دها لایق
بر حاله کتیر یله بیلیر ایدی!»

«اوله ایسه، انسانلر ایچون وسیله
سلامت آشجیلری صاودرق تغذی خصو-
صنده قواعد طبیعته امتثال ورعایتدر.»

معلومات

حقیقت! آشجی الندن اوضاعش اولنلر
ایچون بوندن دها کوزل بروسيله استراحت،
برواسطه سلامت تصور اولنه ماز.